

Ա. Մ. Աղաբաբյան

ԱՆԴՐԿՈՎԿԱՍԻ ՀԱՅ ԲՆԱԿՋՈՒԹՅԱՆ ՍՈՑԻԱԼԱԿԱՆ ԿԱԶՄԻ ՄԱՍԻՆ

Հայաստանի Գիտությունների ակադեմիայի Պատմության ինստիտուտը նախաձեռնել է ստեղծելու «Հայ ժողովրդի պատմություն» բազմահատորյակը, որը նշանակալից երևույթ կհանդիսանա մեր հասարակական-քաղաքական կյանքում:

Բոլորիս ցանկությունն է, որ ձևոնարկած «Հայ ժողովրդի պատմություն» բազմահատորյակը բարձր լինի իր որակով, իր դիտական մակարդակով, իսկ դրան կօգնի խստապահանջությունը թե հեղինակային կոլեկտիվի կողմից և թե գիտական հասարակայնության կողմից՝ աշխատանքների հենց ներկա էտապում: Այս առումով էլ մենք հետևյալ պահանջն ենք ներկայացնում:

Խոսելով տասնիններորդ դարի վերջի և քսաներորդ դարի սկզբների անդրերկրկասյան հայ իրականության մասին, «Հայ ժողովրդի պատմություն» բազմահատորյակում պետք է որոշակի տալ հայ ազգի անդրերկրկասյան հատվածի թե դասակարգային կառուցվածքը և թե յուրաքանչյուր դասակարգի առանձնահատկությունները իրենց զարգացման մեջ:

Նախ, ինչպիսին է դրությունը դրականության մեջ՝ հայ ազգի դասակարգային կառուցվածքի նկատմամբ: Պետք է ասել, որ սովետական գիտնականներից առաջինը Մ. Աղոնցն էր, որը, հիմք ունենալով 1897 թ. մարդահամարի վիճակագրական տվյալները և հաղթահարելով շատ դժվարություններ, իր «Экономическое развитие Восточной Армении» աշխատության մեջ (էջ 519) տալիս է Հայաստանի ազգաբնակչության՝ 797,900 հոգու սոցիալական կառուցվածքը հետևյալ ձևով.

Քոչոր բուրժուազիա, կալվածատերեր, բարձր պաշտոնյաներ և այլն	22.6 հազ. հոգի, 2,83 տոկ.
Ունեոր մանր տնտեսատերեր	112,5 » » 14,1 »
Չբավոր մանր տնտեսատերեր	301,2 » » 37,75 »
Պրոլետարներ և կիսապրոլետարներ	361.6 » » 45,32 »

Ընդամենը 797,9 » » 100 տոկոս

Ուլ ծանոթ է 1897 թ. մարդահամարի տվյալներին և գիտե, թե ինչպիսի խոշոր դժվարություններ պետք էր հաղթահարել՝ փորձելու տալ որևէ ազգի, մանավանդ Հայաստանի ներկա տերիտորիայով սահմանագծված ազգաբնակչության սոցիալական կառուցվածքը, չի կարող չողջունել ընկ. Մ. Աղոնցի այս

նախաձեռնությունը: Ընկ. Մ. Ադոնցի վերը բերած տվյալները, անշուշտ, հավակնություն չունեն բացարձակ ճշտությամբ դրսևորելու հայ ժողովրդի սոցիալական, դասակարգային կազմը, սակայն, նրանք մոտավոր ճշտությամբ, զրոսնորում են այն տենդենցները, որոնք հատուկ էին մեր ժողովրդի արևելյան հատվածի սոցիալ-տնտեսական կյանքին՝ 19-րդ դարի երկրորդ կեսից սկսած:

Պետք է նշել, սակայն, որ Հայաստանի ազգաբնակչության սոցիալական կամ դասակարգային կառուցվածքի մասին վերը բերած տվյալները լիովին բավարար համարվել չեն կարող: Նախ՝ դեռևս 1902 թ. հոկտեմբերին լենինյան-խակրայական ուղղություն ունեցող «Պրոլետարիատ» անլեզալ թերթում (Թիֆլիս) հրապարակված մանիֆեստում «Հայ սոցիալ-դեմոկրատների միությունը»՝ ղեկավարությամբ Ստ. Շահումյանի, Բ. Կնունյանցի, Ա. Զոհրաբյանի, Ս. Խանոյանի, նշում է «Կոմկասի ազգաբնակչության բազմացեղությունն ու ազգությունների աշխարհագրական բաժանման բացակայությունը»: Եվ իրոք, նույն 1897 թ. տվյալներով վրաց ժողովրդի 99,7 տոկոսը գեռ անցյալ դարի վերջերից ապրում էր իր ներկա տերիտորիայում: Այլ էր ադրբեջանցիների դրությունը: Ծիշտ է, նրանց գերակշռող տոկոսը (64,6%) ապրում էր ներկայիս տերիտորիայի վրա, սակայն, ղզայի մասը լուղավորված էր ինչպես Հայկական ՍՍԹ-ի ներկա տերիտորիայի վրա (19,7%), այնպես էլ Վրացական ՍՍԹ-ի ներկա տերիտորիայում (11,3%): Միանգամայն այլ պայմաններում էր տեղավորված հայ ժողովուրդը Անդրկովկասում: Նրա բնակչության միայն 40,9 տոկոսն էր կենտրոնացած ներկայիս Հայկական Ռեսպուբլիկայի տերիտորիայի վրա: 31,7 տոկոսը ապրում էր Ադրբեջանում և 20,3 տոկոսը՝ Վրաստանում:

Սա պատմական փաստ է և կազմում է մեր ժողովրդի առանձնահատկություններից մեկը, որը չի կարելի անտեսել: Այսպիսով, հայ ժողովրդի արևելյան հատվածի դասակարգային կառուցվածքը շարադրելիս պետք է վերցնել Անդրկովկասի ֆոնը, Անդրկովկասում ապրող ողջ հայ ազգաբնակչությունը: Երկրորդ՝ հանրահայտ փաստ է, որ թե հայ բուրժուազիայի և թե հայ պրոլետարիատի գերակշռող մասի կազմավորումը տեղի է ունեցել Հայաստանից դուրս, մինչդեռ Մ. Ադոնցի աղյուսակի տվյալները վերաբերում են Հայաստանի ներկա տերիտորիայի վրա ապրած ազգաբնակչության: Երկրորդ. առանձին չի տրված պրոլետարիատի քանակը. պրոլետարիատը և կիսապրոլետարիատը միացված են և կազմում են ազգաբնակչության 45,32%-ը, որը ինքնին չի բացահայտում, թե որքան էր հայ արդյունաբերական պրոլետարիատը և որքան գյուղական պրոլետարիատը: Ի դեպ, լենինն իր «Կապիտալիզմի զարգացումը Ռուսաստանում» աշխատության մեջ նույնպես միացնում է պրոլետարներին և կիսապրոլետարներին (63,7 միլիոն), բայց նա միաժամանակ նշում է պրոլետարների թիվը (22 միլիոնից ոչ պակաս)¹:

Ելակետ ունենալով նույն 1897 թվականի մարդահամարի տվյալները, մենք փորձել ենք տալ Անդրկովկասի (ոչ միայն Հայաստանի) հայ ազգաբնակչության շերտավորումը և դասակարգային կառուցվածքը, մոտավորապես ուրվագծելով հայ կալվածատիրական դասի, գյուղացիության, բուրժուազիայի և բանվորության տեսակարար կշիռը դարավերջին և նրանից հետո:

¹ Տե՛ս Վ. Ի. Լենին, Երկեր, հատ. 3, էջ 654:

Ահա մեր հանրագումարը՝

Գ/ՁԻՔ	Դ ւ ա կ ւ ր ք ւ ր	Բացարձակ թիվը ընտանիքի անդամ- ների հետ	Տեսակարար գնիւն
1	Ազնվական կալվածատ., բարձր հոգևոր.	9,457	0.8
2	Գյուղացիություն Այդ թվում	821,510	70.0
	Ունեւորներ	106,800	9.1
	Միջակներ	328,604	28.1
	Չբավորներ	386,106	32.8
3	Բուրժուազիա (արդյունաբ. և առևտու.)	85,760	7.3
4	Բանվորություն	190,210	16.2
5	Արհեստավորներ, անայնագործներ, մանր առևտու. և այլն	66,159	5.7
	Ընդամենը	1,173,096	100.0

Սակայն չի կարելի բավարարվել միայն հայ ազգի դասակարգային կառուցվածքը նշելով: Բազմահատորյակում անհրաժեշտ է տալ, թե հայ իրականության գնահատականը և թե, որ գլխավորն է, շարագրել յուրաքանչյուր դասակարգի առանձնահատկությունները, որոնց ընդհանուր հաշվառումը միայն կարող է բանալի հանդիսանալ շատ «կնճռոտ» հարցերի լուսաբանման ու լուծման համար:

Իրոք, ի՞նչ սոցիալ-տնտեսական բնույթ ունեն Անդրկովկասի հայ իրականությունը, ո՞րն էր նրա գլխավոր նկարագիրը: Վերը բերած աղյուսակը ցույց է տալիս, որ Անդրկովկասի հայ ազգաբնակչության խոշոր մասը մանրբուրժուական և կիսապրոլետարական խավերն էին: Այս հանգամանքը սքողել կամ անտեսել չի կարելի մի շարք հարցեր քննարկելիս: Վ. Ի. Լենինը իր «Կապիտալիզմի զարգացումը Ռուսաստանում» աշխատության մեջ նշել է. «Ռուսաստանի բնակչության մանրբուրժուական խավերի շատությունն սքողելը մեր տնտեսական իրականության պատկերն ուղղակի կեղծել կնշանակեր»²: Սա ամբողջովին վերաբերում է նաև Անդրկովկասի հայ իրականությանը, իսկ մենք գիտենք մանր բուրժուազիայի երեքուն վիճակը և տատանումը մերթ գեպի բուրժուազիան, մերթ դեպի պրոլետարիատը:

Այդ սոցիալ-տնտեսական ֆոնի վրա, անշուշտ, պետք է տալ, կրկնում ենք, յուրաքանչյուր դասակարգի առանձնահատկությունները: Համառոտակի թվենք այդ առանձնահատկությունները.

Անդրկովկասյան հայ բուրժուազիան գերազանցապես կազմավորվել է Հայաստանի ներկա տերիտորիայից դուրս — Բաքվում, Թիֆլիսում, Բաթումիում, Հյուսիսային Կովկասում և այլն: Երկրորդ՝ նա «նորելուկ» և որոշ իմաստով «պատահական» կերպով բարձր տնտեսական դիրքերի հասած հասարակական շերտ էր: Անդրկովկասի հայ արդյունաբերական բուրժուազիայի նախնիքը ոչ խոշոր կալվածատերեր են եղել, ոչ-խոշոր ազնվականներ, ոչ-խոշոր մանուֆակտուրիստներ: Նրա կազմավորումն սկսվում է անցյալ դարի երկրորդ կեսից. նախ

2 Վ. Ի. Լենին, Երկեր, հատոր 3, էջ 656:

հայ կապալառուներից, որոնք կովկասյան պատերազմների ժամանակ ցարական բանակին միանալու և այլ ծառայություններ էին անում, ըստ որում չարհամարելով ամեն տեսակի մութ միջոցները, ապա՝ հայ գյուղական վաշխառուներից ու ցեցերից, այնուհետև հայ առևտրականներից, մանր խանութպաններից: Այս բոլորի ձևավորմանը անսպասելիորեն օգնում են նավթի հարստությունները:

Ահա թե ինչ վկայություն է տալիս ժամանակակիցը:

«Նավթի արդյունաբերությունն իր զարգացման ամենաբարձր աստիճանին է հասնում 90-ական թվականներին: Մարդիկ հարստանում են արագ կերպով, հեշտությամբ միլիոնատեր են դառնում, գործի մեջ ղեկավարում են ամենաշնչին կապիտալ: Եթե բախտը բերեց, «շատրվանը» խփեց, մանր բաժնետերերը կարճ ժամանակում նորագույն ասպետներ են դառնում: Գյուղական վաշխառուն, մանր խանութպանը մի շորս-հինգ տարվա ընթացքում դառնում է խոշոր կապիտալիստ»³:

Այս առանձնահատկությունը («նորելուկ», «Բիրդան աղա») նույնպես խոշոր չափով պայմանավորեց հայ արդյունաբերական բուրժուազիայի նկարագիրը, նրա բարոյական, դեմքը, նրա վարվելակերպը, նրա սոցիալական, քաղաքական ձգտումները:

Երրորդ—Անդրկովկասյան հայ բուրժուազիան խոշոր դիրքեր ուներ տնտեսական կյանքում և այդ դիրքերը քանի զնում ուժեղանում էին և ոչ թե թուլանում: Այսպես, 900-ական թվականներին Թիֆլիսի արդյունաբերական ձեռնարկությունների 50,7 տոկոսը, նրանց տարեկան շրջանառության 74,6 տոկոսը պատկանում էր հայ բուրժուազիային, իսկ բանվոր-ծառայողների 73,4 տոկոսը կենտրոնացած էին հայ բուրժուազիային պատկանող ձեռնարկություններում:

Թիֆլիսի 6 բանկերից 4-ը հայկական բուրժուազիայի ձեռքին էին:

Թիֆլիսի շուրջ ութ հազար անշարժ կայքի կեսից ավելին հայկական բուրժուազիայի սեփականությունն էր: Բաքվի նավթահորերի կեսը հայ բուրժուազիային էր պատկանում: Նա զիջում էր միայն նավթի մշակման և փոխադրման ասպարեզում: Նույն շրջանում Անդրկովկասի բանկային կապիտալի արժեթղթերի մեծագույն մասը—40 միլ. արժեքով, կենտրոնացած էր հայ բուրժուազիայի ձեռքում: Բաքվում 1905 թ. տվյալներով հայ կապիտալիստներն իրենց ձեռքին ունեին անշարժ գույքերի 10,5 տոկոսը, սակայն, կենտրոնացրել էին իրենց ձեռքում այդ գույքերի արժեքի 37,5 տոկոսը: Բաքվի առևտրական ձեռնարկությունների 25 տոկոսը հայ կապիտալիստներին էր պատկանում:

Ջգալի էր հայ կապիտալի մասնակցությունը ռուսական ֆինանսական կապիտալի մեջ: Գր. Ջաղեթյանի տվյալներով 1917 թ. Ռուսաստանում գոյություն ունեցող 53 ակցիոներական-առևտրական բանկերի հիմնական կապիտալների առնվազն 12 տոկոսը (շուրջ 81,6 միլիոն ռուբլի) պատկանում էր հայ բուրժուազիային և մասնավորապես խոշոր հայ կապիտալիստներին—Մանթաշյաններին, Ժամհարյաններին, Ղուկասյաններին և այլն:

³ Ս. Ս. Արկունցի, Բանվորական շարժումը և սոց.-դեմոկր. Անդրկովկասում, էջ 96—97:

⁴ Նույն տեղում, էջ 240:

⁵ Գր. Ջաղեթյան, «Ուսումնասիրության կարոտ հարցերից», «Նոր ուղի», դիրք Երրորդ, էջ 133:

Ռուսական բուրժուազիայի նման, անդրկովկասյան հայ բուրժուազիան նույնպես երկշտ էր ու շողոթորթ ցարիզմի առաջ: Նրա «պայքարը» ռուսական ցարիզմի դեմ պատգամավորություններ կազմելուց և հանրագրեր մատուցելուց դենը չի անցել: Անդրկովկասյան հայ բուրժուազիան աղգուրաց էր և ցարական ասիմիլյացիոն բաղադրականությանը հիմն թաքցնելով: Նա ձայնակցելով ռուս բուրժուազիային, հավանություն է տվել թուրքահայ վիլայեթների աննեկսիային ցարիզմի կողմից: Հայ խոշոր բուրժուազիան իր ապահովության գրավականը (թե միջազգայնորեն կազմակերպված պրոլետարիատի ըմբոստացումների գծով, թե գյուղացիական շարժումները ճնշելու գծով) տեսնում էր ցարիզմի՝ ամենառեակցիոն իշխանության պաշտպանություն մեջ:

Մեր պատմական գրականության մեջ տարածված է մի շարուն. եթե ազդեցիկն-ուղատաղրական շարժում է, անպայմանորեն նրա ղեկավարը բուրժուազիան է, այն էլ խոշոր բուրժուազիան: Այս կապակցությամբ հիշատակելի է Ֆ. էնգելսի մի դրույթը, որը վերաբերում է լեհական ազգային-ազատագրական շարժմանը. «Շլյախտան,—գրում է Ֆ. էնգելսը 1892 թ. «Կոմունիստական մանիֆեստ»-ի լեհերեն հրատարակության առաջաբանում—չկարողացավ ոչ պաշտպանել և ոչ էլ կրկին նվաճել լեհաստանի անկախությունը: Բուրժուազիայի համար ներկայումս այդ անկախությունը առնվազն նշանակություն չունի... Այդ անկախությունը կարող է նվաճել միայն լեհական երիտասարդ պրոլետարիատը. ընդ որում այն նրա ձեռքերում լիովին ապահովված է: Որովհետև մնացած ամբողջ նվրդայի բանվորների համար լեհաստանի անկախությունը նույնպես անհրաժեշտ է, ինչպես և իրենց՝ լեհական բանվորների համար»: Ուկրաինայի ազգային ազատագրման համար մղվող պայքարում 20-րդ դարի առաջին տասնամյակների փորձը ցույց տվեց—նշում է Լենինը,—որ միակ հասարակական առաջատար ուժը դա բանվոր դասակարգն է:

Այս բոլորը մեզ պարտադրում է կոնկրետ պատմական վերլուծության ենթարկել Անդրկովկասյան հայ բուրժուազիայի կազմավորման և զարգացման առանձնահատկությունները և հաշվի առնելով դրանք, լուսաբանել նրա դերն ու տեղը հայ ազգային-ազատագրական շարժման մեջ, պատասխանել այն հարցին, թե արդյոք նա ի վիճակի էր, կամ կարող էր, կամ թե գլխավորում էր հայ ազգային-ազատագրական շարժումը: Մեր կարծիքով կոպիտ սխալ կլիներ հավասարության նշան դնել Մադրասի, Կալկաթայի 18-րդ դ. հայ առևտրական բուրժուազիայի և 19—20 դարերի սկզբների անդրկովկասյան հայ բուրժուազիայի միջև, նույնացնել նրանց տնտեսական ու քաղաքական նկարագիրը, նրանց ձգտումները և այլն:

Անդրկովկասի հայ, ինչպես նաև այլ ազգությունների բանվորական շարժման ուժեղացման հետևանքով էր, որ հայ խոշոր բուրժուազիան, առավելապես 19-րդ դ. վերջում և 20-րդ դարի սկզբում, հանդես է գալիս ազգայնական գաղափարների հրահրումով, որպեսզի ջլատի բանվորական ուժերի միասնությունը: 20-րդ դարասկզբին Անդրկովկասի բանվորության և գյուղացիության ռեյուցիոն ընդվզումները կասեցնելու և ճնշելու համար, ցարիզմը, հայ բուրժուազիայի և աղբյուրական ազնվականության մարտական տարրերի մասնակցությամբ, հրահրեց ազգամիջյան ընդհարումներ: Հայ բուրժուազիային և աղբյուրական ազնվականությանն հաջողվեց ժամանակավորապես ռեյուցիոնի և ազգային-ազատագրական շարժումը նենգափոխել ազգամիջյան անուղղակի մի պապարախոսությամբ:

Ռեակցիոն առողջապահության ծախսերը, որով աղքատական պարտիաները աշխատում էին տարածել անդրկովկասյան և Հայաստանի մանր բուրժուական տարրերի, գյուղացիության և բանվորության որոշ մասի մեջ: Այդ հակառակորդական տենդենցների դեմ էր, որ իրենց հետևողական պայքարով հանդես էին գալիս Անդրկովկասի, այդ թվում և հայ բանվորության գաղափարախոսները՝ հանձին ՌՍԴ(Բ) կազմակերպությունների և նրանց ղեկավարների Անդրկովկասի և Հայաստանի տարբեր վայրերում:

Առանձնահատկություններ ունի նաև հայ բանվորության կազմավորումն ու նրա զարգացումը քննարկվող ժամանակաշրջանում: Որոշք են այդ առանձնահատկությունները. առաջին—հայ բանվորությունը Անդրկովկասում կազմավորվել է հիմնականում գյուղացիությունից և մասամբ միայն նաև քայքայվող արհեստավորներից կամ մանր արդյունաբերողներից. 1910 թ. հայ բանվորության 89 տոկոսն էր գյուղացիությունից, 1912 թ.՝ 82 տոկոսը: Եվ այդ հայ բանվորության խոշորագույն մասը դեռևս չէր կտրել իր կապերը գյուղի հետ: Ստոպանիի տվյալներով Բաքվի հայ բանվորության 82,7 տոկոսը գյուղում հողաբաժիններ ուներ, որոնցից նա դեռևս չէր հրաժարվել: Մի այլ աղբյուրի տվյալներով՝ Բաքվի հայ բանվորությունը իր ստացած աշխատավարձի մոտ 30 տոկոսը ամեն ամիս ուղարկվում էր գյուղ՝ իր հողաբաժինների ծախքերը, պարտքերը հոգալու: Երկրորդ, այդ բանվորությունը կազմավորվում էր գերազանցապես Հայաստանի ներկա տերիտորիայից դուրս, ողջ հայ բանվորությունը Անդրկովկասում 900-ական թվականներին հաշվվում էր շուրջ 28,000 հոգի, որից միայն 6000-ն էր աշխատում ներկա Հայաստանի տերիտորիայի վրա գտնվող ձեռնարկություններում և այդ բանվորությունն ու նրան առաջնորդող սոցիալ-դեմոկրատական (բոլշևիկյան) պարտիան էր թե սոցիալական և թե ազգային-ազատագրական պայքարի միակ ճիշտ ուղիով ընթացող առաջատար ուժը:

Մարքսիզմ-լենինիզմի կլասիկներն իրենց ստեղծագործություններում տվել են մանր բուրժուազիայի տնտեսական-քաղաքական սպառիչ բնութագրերը: «Մանր բուրժուան,— գրում է Լենինը,— գտնվում է այնպիսի տնտեսական գրության մեջ, նրա կյանքի պայմաններն այնպես են, որ նա չի կարող չխաբվել, նա ակամա և անխուսափելիորեն հակվում է մերթ դեպի բուրժուազիան, մերթ դեպի պրոլետարիատը: Նա ինքնուրույն «գիծ» ունենալ տնտեսապես չի կարող: Նրա անցյալը քաշում է նրան դեպի բուրժուազիան, նրա ապագան՝ դեպի պրոլետարիատը: Նրա բանականությունը ձգտում է դեպի վերջինս, սրա նախապաշարումը (ըստ Մարքսի հայտնի արտահայտության) դեպի առաջինը»⁶:

Լենինի այս բնորոշումը մանր բուրժուազիայի մասին ամբողջովին վերաբերում է նաև Անդրկովկասի, ինչպես ռուս, վրացի, ադրբեջանցի, նույնպես և հայ մանր բուրժուազիային:

Սակայն մարքսիզմ-լենինիզմը պահանջում է վեր հանել կոնկրետ պատմական իրադրության մեջ ապրող ու առաջ ընթացող մանր բուրժուազիայի առանձնահատկությունները, առանձնահատկություններ, որոնք պայմանավորված են, կամ հետևանք են պատմական զարգացման կոնկրետ պայմանների:

Որոշք էին պատմական զարգացման այդ կոնկրետ պայմանները: Հետոնեֆորմյան շրջանից սկսած՝ ընդհուպ մինչև 1917 թվականը զարգացող կապիտալիզմը և ռուսական ցարիզմը նպաստել են ու հովանավորել հայ բուրժուա-

6 Վ. Ի. Լենին, Իրկեր, հատոր 25, էջ 246:

լիային, սկզբնական էտապում նրա առևտրական հատվածին, ապա՝ առևտրա-արդյունաբերական, արդյունաբերական և ֆինանսական հատվածներին:

Մինչդեռ զարգացող կապիտալիզմը, ռուսական ցարիզմը իրենց գաղութային թաղաքականությունը, քայքայում էին Անդրկովկասի մանր բուրժուազիային, այդ թվում նաև հայ մանր բուրժուազիային՝ ստվարացնելով պրոլետարիատի շարքերը: Մետրոպոլիայից Անդրկովկաս ներմուծված արդյունաբերական ապրանքները կործանիչ հարված էին հասցնում ու քայքայում Անդրկովկասի, այդ թվում նաև Հայաստանի արհեստներն ու տաշնագործությունը, այսինքն՝ քաղաքային մանր բուրժուազիային: Ցարիզմի հողային քաղաքականությունը, գաղութային կոլոնիզացիոն ֆոնդեր ստեղծելը, հարկային և կապալային սխտեմը, որի մասին հնարավորություն չունենք երկար խոսելու, ավելացրած դրան ցարական ադմինիստրացիայի կամայական ու կաշառակեր բնույթը, այս բոլորը քայքայում էին գյուղացիությանը, իսկ զարգացող կապիտալիստական հարաբերությունները, զարկ տալով ու ուժեղացնելով գյուղի շերտավորումը՝ ավելի ևս արագացնում էին գյուղական մանր բուրժուազիայի քայքայման պրոցեսը:

Հենց այս պատճառով հայ գյուղացիությունը և քաղաքային արհեստավորությունը բոլորովին անմասնակից չէր Անդրկովկասի և Ռուսաստանի պրոլետարիատի ռևոլյուցիոն հասունացման պրոցեսին: Մանր բուրժուազիան միատարր չէր, և նրա հարստահարվող ու չքավոր շերտերը յուրահատուկ ձևով ըմբոստանում էին թե ցարական կարգերի և թե տիրապետող ազգամիջյան անտապոնիզմի դեմ: Նշելով ալդայական սլարտիանների ազդեցությունը մանրբուրժուական առաջնություն շերտերի, մասնավորապես գյուղացիության վրա, Շահումյանը միևնույն ժամանակ ցույց է տալիս, որ 20-րդ դարի սկզբում բուլղարիկյան պարտիան, ի հակադրություն տիրապետող նացիոնալիզմին, իր գաղափարներով հող էր գտնում նաև մանր բուրժուազիայի քայքայվող, հարստահարվող շերտերի ու չքավոր գյուղացիության մեջ: Այդ մանր բուրժուազիայի մի մասի ըմբոստացումը ցարական կարգերի, ավատականության և գյուղական գորբանների դեմ իր արտացոլումն է գտել նաև հայ գեղարվեստական գրականության մեջ, դեռ վաղուց, թեկուզ հանձին Աղայանի «Երկու քույր» վեպի հերոս Արզումանի, հանձին Պ. Պոռչյանի Հունոյի, Հովհաննես Թումանյանի «Հառաչանք»-ի Չոբան Չատիի, Ծերունու և այլ գեղարվեստական կերպարների: Հայ գրականության այդ շրջանի շատ գործերում արտացոլված են Անդրկովկասի հայ քայքայվող մանր բուրժուազիայի, մասնավորապես հայ չքավոր գյուղացիության ռևոլյուցիոն պոռթկումները, որոնք տեղի էին ունենում Հայաստանի գյուղերում և Անդրկովկասի քաղաքներում, սկսած 19-րդ դարի երկրորդ կեսից: Հասարակական այդ տարրերն էին, որ XX դ. սկզբից ընկալում էին բռնության, քաղաքական ստրկացման դեմ ուղղված լենինյան պարտիայի ներկայացուցիչների կոչը:

Միանգամայն պարզ է, որ մանրբուրժուական այդ ընդվզումները չէին ընդունում և չէին կարող ընդունել հետևողական ռևոլյուցիոն մասսայական բնույթ և ունեին անկազմակերպ, անարխիական բունտերի, անհատական տերրորի բնույթ: Հենց մանր բուրժուազիայի այդ դեմոկրատական տարրերն էին, սակայն, որ ռևոլյուցիոն շարժման օժանդակ ուղղվել էին կազմում:

Հայկական մանր բուրժուազիայի միջին և ավելի ունևոր մասը ենթարկ-

վում էր տիրապետող բուրժուական, նացիոնալիստական գաղափարախոսություն:

1906 թվականին Ստ. Շահումյանը, վերլուծելով գյուղացիական շարժումը Ռուսաստանում և Անդրկովկասում, նշում է. «Ագրարային շարժումը Կովկասում ևս տեղի ունի, և առանձնապես արտահայտվում է ուժեղ ու կազմակերպված կերպով, նրա արևմտյան մասում, Թիֆլիսի և Քութայիսի շրջաններում:

Այդ տեղերում գյուղացիները հերոսական կռիվներ են մղում, որոշակի առաջադրելով—ամբողջ հողի ու ամբողջ ազատություն լուղւնգր: Իսկ արևելյան Կովկասը, Երևանի, Բաքվի, Գանձակի նահանգները լուծ են, կարծես թի Ռուսաստանի անցուդարձը նրանց երբևէ չի վերաբերում, նրանց կենսական ու անմիջական շահերը չի շոշափում»⁷:

Անդրկովկասի հայ մանր բուրժուազիայի ոչ միայն գյուղացիական որոշ շերտերն էին վարակված ազգայնական թույնով, այլև արհեստավորների ու տնայնագործների, մանր առևտրականների և մանրբուրժուական մտավորականության զգալի մասը:

Ավելին՝ այդ թույնով էր վարակվում նաև հայ բանվորության մի մասը.

«Ձկա տվելի կարևոր հայ բանվորի և ընդհանրապես հայ ժողովրդական մասսայի համար,—գրում էր Ստ. Շահումյանը,—քան թողնել հին նացիոնալիստական ճանապարհը և ընդգրկել մեր միջազգային իդեալները» (Ստ. Շահումյան, Երկեր, հոդ. 2, էջ 410—415):

Քսաներորդ դարեսկզբի երկու տասնամյակների պատմական փորձը, մեր ժողովրդի այդ ժամանակաշրջանի պատմության ողբերգակտն էջերը սթափեցրին ամբողջ հայ ժողովրդական մասսային, որը վերջնականապես ընկալեց անդրդվելի մի ճշմարտություն, այն է՝ միայն բոլշևիկյան պարտիայի, միայն լենինի ցույց տված ուղին է ապահովում բոլոր ժողովուրդների, այդ թվում և հայ ժողովրդի, ազգային և սոցիալական ազատագրումը:

Վերջացնենք. «Հայ ժողովրդի պատմության» ակադեմիական հրատարակման համապատասխան բաժնում պետք է որոշակի վերլուծման ենթարկվի ու շարադրվի հայ ազգի Անդրկովկասյան հատվածի դասակարգային կառուցվածքը, այդ դասակարգերի կազմավորման ու զարգացման առանձնահատկությունները XIX դարի վերջին և XX դարի սկզբին:

⁷ Ստ. Շահումյան, Երկեր, հատ. 1, էջ 171: